


Er uffants sa laschan fascinar da crimis

Da l'onn 2000 è cumpari l'emprim cudesch da Claudia Cadruvi, «La racolta dals siemis u Pulmex e maionesa». Sia figlia l'ha dumandada alura, pertge ch'ella na scrivia ina giada insatge per uffants. «L'emprim hai jau ditg na, ma ella ha batlegià vinavant fin che jau hai entschet in di a scriver», sa regurda l'autura, «e cun quai che jau mezza legeva d'uffant fitg gugent da quella sort da cudeschs hai jau decis da scriver in crimi.» Trais onns ha durà la lavur fin ch'il crimi «Capuns ed il stgazi dals Franzos» era terminà. Il cudesch cuntogna

sco che Claudia Cadruvi tradescha per part er elements autobiografics, «per exempel il fatg che mia famiglia gieva cur che jau era pitschna adina en vacanzas a Cumpadials, entant che mias amias gievan sper la mar.» Ils trais fragliuns en il crimi van er a Cumpadials en vacanzas. Ma questa giada nun èsi gnanca da dir lungurus: La polizia chatta ina trucca misteriusa – è quai il stgazi dals Franzos...?

Il cudesch pon ins cumprar u empustar tar la Lia rumantscha (tel. 081 258 32 22) u en las librerias che vendan cudeschs rumantschs. *anr/fa*



Il segund raquint da Claudia Cadruvi è in cudesch per uffants.